

Verbâl de riunion dal Consei Gjenerâl dai 15 di Dicembar dal 2025

Clamât adun cun letare dai 31 di Otubar dal 2025, lunis ai 15 di Dicembar dal 2025 aes cinc e mieze sore sere si à dât dongje in presince tal sît sociâl di Palaç Mantica in Vie Manin 18 a Udin e a distance in modalitât telematiche il Consei Gjenerâl de Societât Filologjiche Furlane, par discuti dal ordin dal di metût ca sot:

1. Leture e aprovazion dal verbâl de volte prime;
2. Comunicazions dal President;
3. Lavôrs su lis sedis;
4. Setemane de culture furlane 2026;
5. Ativitâts sociâls e propuestis dai conseîrs;
6. Variis, se dal câs.

Ae clamade dal President Vicario a rispuindin i Conseîrs:

- *in presince* Aita, Bulfon, Carlon, Chiarandini, Colussi, Covazzi, Degano, Dei Rossi, Franco, Frisano, Grossutti, Lorenzini, Marcatti, Sclippa, Sello, Varutti Elio, Venuti;
- *a distance* Bello, Bier, Brumat, Contin, Cozzi, Di Bortolo Mel, Fadelli, Masau Dan, Medeossi, Menegoz, Miotto, Navarria, Pavan, Pelizzo, Perini, Pugnetti, Radivo, Stel, Tilatti, Tirelli, Tomasi, Vezzi, Vidoni, Zanello, Zanier.

Si son justificâts:

Cossar, Garzoni, Mitri, Ruffini, Taverna, Tomasella.

No son:

Bressan, Capellari, Castellarin, Davide, De Marchi, del Torre, Della Mora, Di Gleria, Finco, Muzzatti, Papais, Pati, Percotto, Pettarin, Portelli, Puschiasis, Salvadori, Varutti Marta, Venier, Visintin, Zanin.

A son presintis ancje lis socis benemeritis Bortolussi, Del Fabbro e Janežič.

PONT NUMAR 1 DAL O.D.D.:

Leture e aprovazion dal verbâl de volte prime.

Il verbâl de riunion dal Consei Gjenerâl dai 12 di Jugn dal 2025 al ven fat bon a la unanimitât dai presints.

PONT NUMAR 2 DAL O.D.D.:

Comunicazions dal President.

Il President al inzorne il Consei cun rivuart a:

- ai 2 di Setembar a Triest. la fime dal acuardi pe organizazion di Europeada 2028 che al proviôt la gjestion aministrative di bande de Filologjiche;

- ai 5 di Otubar il CI Congès a Bertiûl;
- ai 25 di Otubar a Bolzan, la amission de Filologjiche ae assemblee de Union Federâl des Minorancis Europeanis, (FUEN) tant che component associât de Union;
- dai 20 ai 22 di Novembar il Colloquium Retoromanistich a Gurize;
- ai 12 di Dicembar la Cunvigne su pre Guglielmo Biasutti, in parie cu la Biblioteche dal Seminari;
- lis publicazions buridis fûr e chês daûr a jessi stampadis;
- i contribûts de Region pe digitalizazion e la catalogazion des publicazions e des rivistis da la Associazion “La Bassa”, pes ativittâs preparatoriis di Europeada 2028 e pes attivittâs di formazion dai docents promovudis dal Docuscuele;
- il contribût dal Ministeri de Culture pe compre di libris.

Il president al ricuarde ancje:

- il rinveniment dal Font fotografics des Gleseutis dal Friûl di Pre Josef Marchet. A chest proposit, par memoreâ i sessante agns de muart dal Marchet la Societât e intint promovi la catalogazion, la digjitalizazion e l’alestiment di une mostre cun i materiâi di chest font;
- la campagne *Friuli 1976: il volto di una comunità che rinasce* che intint racuei jenfri i socis fotografiis e testemoneancis sul teremot.

Il Consei al cjape at.

PONT NUMAR 3 DAL O.D.D.:

Lavôrs su lis sedis

Il President al inzorne il Consei cun rivuart ai lavôrs tes sedis:

- di Palaç Mantica a Udin, pe costruzion dal ascensôr te cort interne di palaç;
- di Palaç Manin a Udin, pal alestiment di un magazen e di una sale cors e di dute la implantistiche;
- di Cjase Ascoli a Gurize, pal alestiment di un implant di climatizazion/riscjaldament.

Il Consei al cjape at.

PONT NUMAR 4 DAL O.D.D.:

Setemane de culture furlane 2026

Il President al conferme che la Setemane de Culture Furlane pal 2026:

- di davuelzarà dai 7 ai 17 di Mai;
- la Fraie de Vierte si le varà a Roncjs ai 17 di Mai;
- si varàn iniziativis par ricuardâ i cincuant agns dal Teremot dal 1976 e i sessante de muart di pre Josef Marchet;
- dentri dal mês di Zenâr dal 2026 e sarà mandade la comunicazion a dutis lis realtâts culturâls dal Friûl par presentâ propuestis di iniziativis e ativittâs pe Setemane.

Il Consei al cjape at.

PONT NUMAR 5 DAL O.D.D.:

Ativitâts sociâls e propuestis dai conseîrs.

Il President al conferme che:

- il congrès dal 2026 si lu fasarà a Tavagnà e il numar unic al sarà rincurât di Enos Costantini;
- il congrès dal 2027 si lu fasarà a Sacîl e il numar unic al sarà rincurât di Alessandro Fadelli, Stefania Miotto e Paolo Tomasella.

Il Consei al cjape at.

PONT NUMAR 6 DAL O.D.D.:

Variis, se dal câs.

Nuie ce segnalâ.

La riunion si siere aes 19.05.

Il segretari verbalizant

Feliciano Medeot